



**REPUBLIKA E KOSOVËS / REPUBLIKA KOSOVA / REPUBLIC OF KOSOVO**  
**KËSHILLI PROKURORIAL I KOSOVËS / TUŽILAČKI SAVET KOSOVA / KOSOVO PROSECUTORIAL**  
**COUNCIL**

---

Këshilli Prokurorial i Kosovës duke u bazuar në Nenin 110 (2) të Kushtetutës së Republikës së Kosovës, Nenin 4.1.2, dhe Nenin 17 dhe 18 të Ligjit për Këshillin Prokurorial të Kosovës, Nenin 7 të Ligjit nr. 05/L-034 për Ndryshimin dhe Plotësimin e Ligjit nr. 03/L-225 për Prokurorin e Shtetit dhe nenin 8 të Rregullores nr. 07/2015 për Rekrutimin, Provimin, Emërimin dhe Riemërimin e Prokurorëve të Shtetit si dhe Vendimin e Këshillit Prokurorial të Kosovës të datës 29 mars 2017, shpallë:

### **KONKURS PUBLIK**

**Për rekrutimin e tetëmbëdhjetë (18) prokurorëve të shtetit në nivel të prokurorive themelore të Republikës së Kosovës:**

<b>Nr.</b>	<b>Prokuroria</b>	<b>Numri i pozitive</b>
1	Prokuroria Themelore Prishtinë	1
2	Prokuroria Themelore Ferizaj	5
3	Prokuroria Themelore Prizren	5
4	Prokuroria Themelore Pejë	4
5	Prokuroria Themelore Gjakovë	2
6	Prokuroria Themelore Gjilan	1
	<b>Gjithsej</b>	<b>18</b>

#### **Detyrat dhe Përgjegjësitë e Prokurorëve**

Detyrat dhe kompetencat e prokurorëve të shtetit përfshijnë:

1. ushtrimin e funksioneve prokuroriale në mënyrë të pavarur, të drejtë, objektive dhe të paanshme, dhe të sigurohen që të gjithë personat trajtohen në mënyrë të barabartë para ligjit;

2. zbatimin e standardeve më të larta të kujdesit gjatë kryerjes së funksioneve zyrtare;
3. sjellje të ndershme dhe profesionale si në jetën personale ashtu edhe profesionale në pajtim me ligjet e aplikueshme dhe kodin e etikës profesionale;
4. të ruaj nderin dhe dinjitetin e Prokurorit të Shtetit;
5. të mbrojnë të drejtat e viktimave, dëshmitarëve, të dyshuarve, të akuzuarve dhe të personave të dënuar;
6. të ndërmarrë veprime të nevojshme ligjore për zbulimin e veprave penale dhe zbulimin e autorëve të krimit, dhe po ashtu hetimin dhe ndjekjen penale me kohë të veprave penale;
7. të marrë vendime për inicimin, vazhdimin apo ndërprerjen e procedurës penale ndaj personave të dyshuar apo të akuzuar që kanë kryer vepër penale;
8. të ngrejë aktakuza dhe t'i paraqes ato para gjykatës;
9. të ushtrojë mjete juridike të rregullta dhe jashtëzakonshme ndaj vendimeve të gjykatës;
10. të bashkëpunojë me policinë, gjykatat dhe institucione tjera;
11. të ndërmarrë të gjitha veprimet tjera siç specifikohen me ligj.

### **Kriteret Ligjore të kërkuara**

Kandidati për tu emëruar si Prokuror i Shtetit sipas nenin 7 të Ligjit nr. 05/L-034 për Ndryshimin dhe Plotësimin e Ligjit nr. 03/L-225 për Prokurorin e Shtetit duhet të plotësojë këto kriterë:

1. të jetë shtetas i Republikës së Kosovës;
2. të ketë diplomën e fakultetit juridik të vlefshëm në Kosovë;
3. të ketë kryer provimin e jurisprudencës, të pranuar sipas Ligjit të aplikueshëm në Kosovë;
4. të ketë reputacion të lartë profesional dhe integritet personal;
5. të mos jetë i/e dënuar për një vepër penale;
6. të ketë së paku tri (3) vite përvojë në fushën juridike, dhe
7. të ketë kaluar provimin për prokurorë, në pajtim me kushtet dhe procedurat e përcaktuara me rregullore të veçantë të miratuar nga Këshilli.

### **Dorëzimi i aplikacioneve**

Aplikacioni duhet të dorëzohet deri me 19/04/2017, deri në fund të orarit të punës, në adresën si më poshtë:

Këshilli Prokurorial i Kosovës  
Rr. Luan Haradinaj, pn.  
Aneksi i KPK-së, ndërtesa e EULEX-it  
10 000 Prishtinë, Kosovë

ose  
përmes postës elektronike: [kpk.vlp@rks-gov.net](mailto:kpk.vlp@rks-gov.net)

Forma e Aplikacionit mund të gjendet në faqen zyrtare të Prokurorit të Shtetit dhe Këshillit Prokurorial të Kosovës: [www.psh-ks.net](http://www.psh-ks.net) dhe [www.kpk-ks.net](http://www.kpk-ks.net)

### **Dokumentet e obligueshme që duhet të dorëzohen sipas Nenit 8 të Rregullores nr. 07/2015 për Rekrutimin, Provimin, Emërimin dhe Riemërimin e Prokurorëve të Shtetit**

Lutemi që të dorëzoni vetëm kopjen e vërtetuar/noterizuar të dokumenteve të listuara më poshtë. Dokumentet origjinale nëse kërkohen duhet t'i dorëzoni gjatë fazës së intervistës.

Kandidatët në pajtim me nenin 8 paragrafi 4 i Rregullores nr. 07/2015 për rekrutimin, provimin, emërimin dhe riemërimin e Prokurorëve të Shtetit, duhet të dorëzojnë dokumentet si më poshtë:

- Formën Standarde të Aplikacionit;
- Çertifikatën e shtetësisë së Republikës së Kosovës;
- Diplomën e Fakultetit Juridik të vlefshme në Kosovë;
- Çertifikatën e vlefshme mbi dhënien e provimit të jurisprudences;
- Çertifikatën që vërteton se kandidati nuk është i dënuar për vepër penale, siç është caktuar me ligjet në fuqi;
- Dëshminë mbi përvojën e punës siç është përcaktuar me ligj.

### **Njoftimi paralajmërues**

Sipas nenin 9 paragrafi 3 i Rregullores nr. 07/2015 për Rekrutimin, Provimin, Emërimin dhe Riemërimin e Prokurorëve të Shtetit, kandidatet duhet të plotësojnë kriteret e shpallura për pozitën për të cilën aplikojnë, dhe aplikacioni i tyre duhet të dorëzohet jo më vonë se data e përcaktuar në Konkurs Publik.

### **Dokumente Shtesë**

Sipas nenit 8 paragrafi 5 i Rregullores nr. 07/2015 për Rekrutimin, Provimin, Emërimin dhe Riemërimin e Prokurorëve të Shtetit, kandidatët duhet të dorëzojnë informatat e siguruara nga punëdhënësi për tre (3) vitet e fundit të përvojës profesionale të cilat

përfshijnë përshkrimin e detyrave të punës, performancën profesionale, masat eventuale disiplinore dhe çështje tjera që konsiderohen relevante, të shoqëruara me dokumente mbështetëse, për vlerësimin e integritetit personal dhe aftësive profesionale siç parashihen edhe me nenin 18 të Ligjit për KPK-në.

### **Dokumente alternative për të dëshmuar përvojën e punës ligjore**

Në qoftë së informata që duhet të dorëzohet nuk është në dispozicion apo plotësisht në dispozicion për periudhën tri vjeçare, duhet të jepet një deklaratë e nënshkruar në të cilën përfshihet referenca e përvojës relevante profesionale dhe arsyet e mos dorëzimit të informacionit të punëdhënësit së bashku me dokumente relevante mbështetëse.

### **Veprimtaria Profesionale/Akademike**

Kandidati po ashtu duhet të dorëzojë, nëse e ka në dispozicion, dokumentacionin e mëposhtëm:

- Dokumente ligjore profesionale apo akademike apo publikime, të kryera krejtësisht nga kandidati ( maksimumi tri);
- Informacion për pjesëmarrje në forma të organizuara të trajnimit në të cilën është vlerësuar performanca (maksimumi tri).

### **NJOFTIM I RËNDËSISHËM PËR KANDIDATË**

Këshilli Prokurorial i Kosovës informon të gjithë kandidatët që Komisioni për Rekrutim do të bëjë verifikimin e dokumenteve dhe deklaratave të dorëzuara për të mbështetur aplikimin.

**Po ashtu kandidatët të cilët nuk i kanë dorëzuar dokumentet e kërkuara brenda afatit, aplikacioni i tyre do të refuzohet.**

Neni 37 paragrafi 3 i Rregullores 07/2015 parasheh se kandidatët të cilët e kanë përfunduar provimin dhe trajnimin fillestar të organizuar nga Instituti Gjyqësor i Kosovës do të nënshtrohen vetëm intervistës me gojë, procesit të vlerësimit të integritetit personal dhe aftësive profesionale të kandidatëve, siç është e përcaktuar edhe me nenin 23 dhe 24 të kësaj Rregulloreje.